

U G O V O R

o nabavci usluge edukativnog programa „Edukacija o alatima i potrebnim vještinama za uspješno pisanje, apliciranje i upravljanje EU projektima“

zaključen dana 23.1.2017. godine u Sarajevu, između:

1. **KANTON SARAJEVO, Ministarstvo za obrazovanje, nauku i mlade, kojeg zastupa ministar prof. dr. Elvir Kazazović**
2. **Sarajevske regionalne razvojne agencije SERDA d.o.o. Sarajevo, UI Kolodvorska br. 6, Sarajevo, ID broj 4200816600000, koju zastupa direktor dr. Ševkija Okerić**

Član 1.

Predmet Ugovora

Predmet Ugovora je organizacija i održavanje Programa 1 edukacije o alatima i potrebnim vještinama za uspješno pisanje, apliciranje i upravljanje EU projektima u okviru Projektne akademije Sarajevske regionalne razvojne agencije SERDA d.o.o., Sarajevo. Ugovorom se reguliraju odnosi između ugovornih strana radi poslovnog povezivanja u realizaciji nabavke usluge edukativnog programa „Edukacija o alatima i potrebnim vještinama za uspješno pisanje, apliciranje i upravljanje EU projektima“ za 10 nastavnika iz školskih ustanova. Ugovorne strane se obavezuju da će međusobne odnose utvrđene ovim ugovorom zasnivati i razvijati na principima međusobnog povjerenja, a sve u cilju ostvarivanja i unapređenja zajedničkih interesa.

Član 2.

Tematske cjeline

U okviru Programa 1 Projektne akademije, obradit će se slijedeće tematske cjeline:

1. Razumijevanje Evropske unije
2. Programi finansijske podrške i fondovi EU
3. Izrada projektnih prijedloga prema PCM-u
4. Popuna aplikacija na EU fondove

Član 3.

Termin održavanja

Program 1 edukacije o alatima i potrebnim vještinama za uspješno pisanje, apliciranje i upravljanje EU projektima će biti održan u terminu od 24.01.2017. do 30.01.2017. godine, u trajanju od 5 (pet) radnih dana, u vremenskom periodu od 09:15 - 17:00 h.

Član 4.

Mjesto održavanja

Mjesto održavanja edukacije je u Sarajevu, u prostorijama SERDA-e, Kolodvorska 6.

Član 5.

Obaveze potpisnika Ugovora:

Obaveze Ministarstva za obrazovanje, nauku i mlade Kantona Sarajevo su da:

- Obezbjedi 10 polaznika koji će pohađati Program 1 edukacije u okviru Projektne akademije,
- Po ispostavljenj fakturi, izvrši plaćanje kotizacije za 10 polaznika za Program 1.

Obaveze SERDA-e su da:

- Za dogovoreni termin održavanja edukacije Programa 1 /pet dana/ obezbijedi predavače, opremu i prateći materijal,
- Obezbjedi osvježenje za svaki dan, u toku trajanja Programa 1 za 10 polaznika,
- Obezbjedi ručak za svaki dan u toku trajanja Programa 1 za 10 polaznika,
- Ministarstvu za obrazovanje, nauku i mlade Kantona Sarajevo ispostavi fakturu za izvršene usluge edukacije za ukupno 10 polaznika,
- Svim učesnicima edukacije dostavi program rada sa satnicom toka edukacije,
- Nakon uspješno savladanog programa, polaznicima dostavi potvrdu/uvjerenje o sudjelovanju na edukaciji,
- Periodično dostavlja najnovije informacije i iskustva o EU fondovima i procedurama svim polaznicima Projektne akademije, koji će dodjelom potvrde/uvjerenja postati i članovi Kluba Projektne akademije.

Član 6.

Naručilac se obavezuje da će Izvršiocu za obavljeni posao iz Člana 1. ovoga Ugovora isplatiti naknadu u iznosu od 7.020,00 KM sa uračunatim PDV-om, najkasnije u roku od 30 dana po dostavljanju fakture.

Član 7.

Isplata sredstava izvršit će se nakon izvršene usluge, a po dostavljenoj fakturi i to na transakcijski račun Izvršioca broj 3389002206391983 otvoren kod UniCredit Bank d.d.

Član 8.

Prelazne i završne odredbe

Potpisnici Ugovora se obavezuju da će međusobne odnose utvrđene ovim ugovorom graditi na principima međusobnog povjerenja, poslovnog morala i dobrih poslovnih običaja.

U slučaju spora pri realizaciji ovog ugovora, strane potpisnice će ga nastojati riješiti sporazumno i u duhu dobrih poslovnih običaja i dobre poslovne prakse, te se obavezuju da će eventualno novonastale stvarne i pravne okolnosti, koje bi bitno uticale na odredbe ovog ugovora, regulisati posebnim aneksima.

Ukoliko se sporazumno rješenje ne postigne, nadležan je sud u Sarajevu.

Ovaj ugovor stupa na snagu danom potpisivanja od ovlaštenih lica strana potpisnica.

Član 9.

Svaka od strana svojim potpisom potvrđuje da je pročitala i prihvatila uslove iz ovog ugovora. Ovaj ugovor je sačinjen u 4 (četiri) primjerka i svakoj od strana pripadaju po 2 (dva) primjerka.

KANTON SARAJEVO
Ministarstvo za obrazovanje, nauku i mlade


Prof. dr. Elvir Kazazović

Broj: 11-01-14-1901-4/1
Sarajevo, 23.1.2017. godine

SERDA d.o.o. Sarajevo


dr. Ševkija Okerić

Broj: UG-04/17
Sarajevo, 23.1.2017. godine